



# Icyegeranyo cy'amakuru y'imikino yaranze icyumweru

2023

Taliki 15–19 Ukuboza



P.1 Football : Jurriën Timber ukinira Arsenal yasuye u Rwanda

## Ijambo ry'ibanze

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'Imikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigitimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

## Ibirimo

- P1 **Football** : Jurriën Timber ukinira Arsenal yasuye u Rwanda
- P1 **Triathlon** : Iradukunda ni we wegukanye irushanwa ryakiniwe i Karongi
- P2 **Cricket** : Zimbabwe na Uganda mu cyiciro cya nyuma mu gushaka itike y'igikombe cy'Isi
- P3 **Mu Rwanda habereye imikino ya EALA**
- P3 **Amagare** : Habaye shampiyona y'igihugu mu bakiri bato
- P4 **Basketball** : Sporting Alexandria yegukanye igikombe cy'Afurika, REG BBC iba iya 4
- P5 **Amagare** : Niyonkuru na Nirere begukanye "Umusambi Race 2023"
- P5 **Basketball** : Hemejwe ko umwaka w'imikino uzatangira muri Gashyantare 2024
- P6 **Cricket** : Uganda yegukanye "ACA Africa T20 Cup 2023"
- P6 **Beach Volleyball** : Habanzintwari na Mbonigaba begukanye irushanwa ryateguwe na Mamba VC

# 1 Football : Jurriën Timber ukinira Arsenal yasuye u Rwanda

Binyuze muri gahunda ya "Visit Rwanda", taliki 14 kugeza 17 Ukuboza 2023, umukinnyi w'ikipe ya Arsenal mu Bwongereza, Jurriën Timber akaba akomoka mu Buholandi yasuye u Rwanda.

Uyu mukinnyi muri iyi minsi urimo gukora imvune, yasuye Urwibutso rwa Jenoside rwa Kigali ku Gisozi nyuma anasura ibice nyaburanga by'igihugu birimo Pariki y'Akagera.



# Triathlon : Iradukunda ni we wegukanye irushanwa ryakiniwe i Karongi

Taliki 16 Ukuboza 2023 ni bwo hakinwe irushanwa rya 3 riri ku ngengabihe y'amarushanwa ategurwa n'ishyirahamwe ry'umukino wa Triathlon mu Rwanda "RTF".

Iri rushanwa "Karongi Triathlon National Championship 2023" ryabereye mu Karere ka Karongi ryari ryitabiriwe n'abakinnyi 25 aho bakinnye mu byiciro bibiri birimo abakinnye nk'ikipe "Team Relay" aho umukinnyi umwe akina ikintu kimwe undi agakina ikindi ndetse n'abakinnye byose ku giti cyabo.

Aba bakinnyi bitabiriye bahatanye mu koga intera ya metero 750, gusiganwa ku igare mu ntera ya kilometero 20 basoza basiganwa n'amaguru intera ya kilometero 5 basoza bakoze kilometero 25,75.

## Uko irushanwa ryagenze

### • Abagabo (25,75 km)

1. Iradukunda Eric 1h32'08"
2. Hategekimana Timamu 1h32'40"
3. Dusabe Claude 1h34'54"

### Team Relay (25,75 km)

1. Ishimwe Claudette, Ruhumuriza Aimé na Bigoreyiki Eliezel 1h30'46"
2. Nyirabyenda na Tuyisenge Samuel 1h36'25"
3. Uwajenza Fiston na Lyonasenze Alpha 1h37'42".

Iri rushanwa ni ryo ryasoje umwaka wa 2023 akaba ari irya gatatu mu marushanwa y'umwaka w'imikino wa 2023-2024 kuko irushanwa rya mbere ryabereye i Gicumbi hakurikiraho iry'i Kigali yose yabaye mu Gushyingo 2023. Biteganyijwe ko irushanwa rya 4 rizaba muri Gashyantare 2024 rikazabera i Rubavu.



Taliki 09 kugeza 17 Ukuboza 2023, Entebbe muri Uganda habereye imikino y'Afurika mu bagore mu rwego rwo gushaka itike y'igikombe cy'Isi "ICC Women's T20 World Cup Africa Qualifier Division One 2023".

Iyi mikino yari yitabiriwe n'amakipe 8 aho yari yashyizwe mu matsinda abiri, itsinda A ryari ririmo Zimbabwe, Tanzania, Kenya na Botswana naho itsinda B ririmo Uganda, u Rwanda, Nigeria na Namibia.

Nyuma y'imikino y'amajonjora, muri ½, ikipe ya Zimbabwe yasezereye Namibia ku kinyuranyo cy'amanota 86 (150-64) naho Uganda istinda Tanzania ku kinyuranyo cy'amanota 10 (99-89).

Ku mukino wa nyuma ikipe ya Zimbabwe yegukanye igikombe itsinze Uganda (85-79).

Ikipe ya Zimbabwe na Uganda zabonye itike yo kuzitabira imikino ya nyuma yo gushaka itike y'igikombe cy'Isi "ICC Women's T20 World Cup Qualifier 2024". Iyi mikino izabera i Dubai izitabirwa n'amakipe 10 ari yo Ireland, Sri Lanka, Thailand, UAE, Vanuatu, USA, Netherlands, Scotland, Uganda na Zimbabwe.

Automatic Qualifications			
2023 T20 World Cup	February 2023	Tournament results <sup>[1]</sup>	2  Ireland Sri Lanka
Regional Qualifications			
Asia	31 August–9 September 2023	Malaysia	2  Thailand United Arab Emirates
East Asia-Pacific	1–8 September 2023	Vanuatu	1  Vanuatu
Americas	4–11 September 2023	United States	1  United States
Europe	6–12 September 2023	Spain	2  Netherlands Scotland
Africa	9–17 December 2023	Uganda	2  Uganda Zimbabwe
<b>Total</b>			<b>10</b>

Amakipe abiri ni yo azabona itike y'imikino ya nyuma y'igikombe cy'Isi " ICC Women's T20 World Cup 2024" izabera muri Bangladesh muri Nzeri n'Ukwakira 2024. Kugeza ubu amakipe 8 mu i 10 azakina iri rushanwa yamaze kumenyekana aya ni Bangladesh, Australia, England, India, South Africa, New Zealand, West Indies na Pakistan.

Means of qualification	Berths	Qualified
Hosts	1	Bangladesh
2023 ICC Women's T20 World Cup (Top 6 teams from the previous tournament, excluding hosts)	6	Australia England India South Africa New Zealand West Indies
ICC Women's T20I Team Rankings (Next highest ranked team on 27th February 2023)	1	Pakistan
Global Qualifier	2	
<b>Total</b>	<b>10</b>	



Kuva taliki 08 kugeza 18 Ukuboza mu Rwanda habereye imikino ihuza abagize Inteko zishinga Amategeko mu Karere ka Afurika y'iburasirazuba "EALA". Iyi mikino yari ibaye ku nshuro ya 13 "Inter-Parliamentary Games 2023" yitabiriwe n'abagize Inteko zishinga Amategeko basaga 900 bari baturutse mu bihugu 7 ari byo u Rwanda, Burundi, Kenya, RDC, Tanzania, South Sudan, Uganda na EALA.

Abitabiriye bahatanye mu mikino 8 itandukanye irimo Football, Volleyball, Basketball, Golf, Netball, Darts, Athletics na Tug of war.

Muri rusange, Uganda ni yo yitwaye neza yegukana umwanya wa mbere aho yegukanye imidali 28 harimo 16 ya Zahabu, 7 ya Feza na 5 y'Umulinga. Ku mwanya wa kabiri haje Tanzania yegukanye imidali 16 harimo 6 ya Zahabu, 9 ya Feza n'umwe w'Umulinga. Ku mwanya wa 3 haje Kenya yegukanye imidali 14 harimo 2 ya Zahabu, 5 ya Feza na 7 y'Umulinga. u Rwanda rwaje ku mwanya wa 4 n'imidali 6 harimo 2 ya Zahabu, 3 ya Feza n'undi umwe w'Umulinga. Ku mwanya wa 5 haje South Sudan n'imidali 12, EALA ku mwanya wa 6 n'imidali 2 naho u Burundi buza ku mwanya wa 7 n'umudali 1.



## Amagare : Habaye shampiyona y'igihugu mu bakiri bato

Taliki 17 Ukuboza 2023, muri Parikingi ya Kigali Pelé Stadium imikino ya Amagare yabereye ku nshuro ya mbere shampiyona y'igihugu mu bakiri bato "Rwanda National Youth Championships 2023". Iyi shampiyona yitabiriwe n'abakinnyi bafite hagati y'imyaka 11 na 19.

### Uko isiganwa ryagenze

- **Boys U-11 (5.6 km)**
  1. Sano Francis 13'30"
  2. Ndashimye Albert 14'27"
  3. Karambizi Cyoga Akram 14'30"
- **Girls U-11 (5.6 km)**
  1. Karambizi Ganza Akiah 16'09"
  2. Beza Teta Tracy 20'50"
  3. Munezero Gentille 23'28"
- **Boys U-13 (5.6 km)**
  1. Ishimwe Sano Prince 13'30"
  2. Uhiriwe Samuel 13'46"
  3. Hategeka Clinton 13'46"
- **Girls U-13 (5.6 km)**
  1. Johovaire Lisa 13'53"
  2. Umwamikazi Joy Cynthia 13'53"
- **Boys U-15 (13.6 km)**
  1. Shema Emmanuel 28'52"
  2. Gisubizo Issa 29'05"
  3. Habumuremyi Cyusa 30'06"
- **Girls U-15 (13.6 km)**
  1. Ishimwe Cynthia 30'16"
  2. Niyomukiza Claudine 30'30"
  3. Nyiribambe Akelyne 41'02"
- **Boys U-17 (22.4 km)**
  1. Byusa Pacific 46'17"
  2. Twagirayezu Didier 46'25"
  3. Niyotwizera Lambert 46'56"
- **Girls U-17 (13.6 km)**
  1. Masengesho Yvonne 29'29"
  2. Niyokwizerwa 30'39"
  3. Ishimwe Giselle 32'52"
- **Men Juniors U-19 (25.6 km)**
  1. Nshutiraguma Kevin 50'40"
  2. Rugemintwaza Janvier 50'50"
  3. Niyonkuru Saddam 51'05"
- **Women Juniors U-19 (22.4 km)**
  1. Iragena Charlotte 31'56"
  2. Byukusenge Mariathe 32'10"
  3. Ingabire Domina 32'19" 23"



Kuva taliki 11 kugeza 19 Ukuboza 2023 i Cairo mu Misiri habereye imikino y'Afurika y'amakipe mu cyiciro cy'abagore "FIBA Africa Women's Basketball League 2023".

Iri rushanwa ryari ribaye ku nshuro ya 27 ryitabiriwe n'amakipe 10 yitwaye neza mu mikino y'Akarere aherereyemo.

Aya makipe yari yashyizwe mu matsinda abiri, itsinda A ryari rigizwe na Sporting Alexandria (Misiri), KPA BBC (Kenya), Customs BBC (Nigeria), UDla BBC (Cameroun) na CNSS BBC (RDC) naho itsinda B rigizwe na REG BBC (Rwanda), Interclube (Angola), Equity Bank (Kenya), OverDose (Cameroun) na ASPAC (Benin).

Nyuma y'imikino y'amajonjora, amakipe 4 muri buri tsinda yakomeje muri ¼ naho ikipe ya CNSS BBC (RDC) na ASPAC (Benin) zihatanira umwanya wa 9 na 10.

Ikipe ya REG BBC yari ihagarariwe n'u Rwanda yitwaye neza isoza itsinze imikino yayo yose mu itsinda B. Yatsinze Interclube amanota 96 kuri 89, itsinda OverDose amanota 86 kuri 45, itsinda Equity Bank amanota 84 kuri 50 inatsinda kandi ASPAC amanota 96 kuri 65.

Muri ¼ yatsinze UDla BBC yo muri Cameroun amanota 85 kuri 54 ikomeza muri ½ cy'irangiza.

Muri ½, ikipe ya REG BBC yatsinzwe na KPA BBC yo muri Kenya amanota 101 kuri 97 naho ikipe ya Sporting Alexandria itsinda Interclube amanota 100 kuri 74.

Ikipe ya Sporting Alexandria yegukanye igikombe itsinze ku mukino wa nyuma KPA BBC amanota 103 kuri 59 naho ikipe ya Interclube itsinda REG BBC mu guhatanira umwanya wa 3 ku manota 83 kuri 68.

Iyi kipe ya Sporting Alexandria yongeye kwisubiza iki gikombe kuko no muri 2022 ubwo irushanwa ryaberaga i Maputo muri Mozambique ni yo yegukanye igikombe itsinze ikipe ya Costa do Sol yo muri Mozambique amanota 65 kuri 58.

#### Uko amakipe yakurikiranye

1. Sporting Alexandria (Misiri)
2. KPA (Kenya)
3. Interclube (Angola)
4. REG BBC (Rwanda)
5. Customs BBC (Nigeria)
6. Equity Bank (Kenya)
7. UDla BBC (Cameroun)
8. OverDose (Cameroun)
9. CNSS (RDC)
10. ASPAC (Benin)



Taliki 16 Ukuboza 2023 mu Karere ka Burera habereye isiganwa ry'umukino w'amagare "Umusambi Race 2023" ryari ryateguwe n'ishyirahamwe ry'umukino w'amagare mu Rwanda "FERWACY" ku bufatanye n'Umuryango Nyarwanda ushinzwe kubungabunga ibinyabuzima byo ku Gasozi "RWCA" mu rwego rwo kubungabunga ibidukikije by'umwihariko inyoni y'umusambi.

Abahatanye bakoresheje inzira izengurutse igishanga cya Rugezi kibarizwamo ¼ cy'imisambi yose yo mu Rwanda.

### Uko isiganwa ryagenze

#### Ababigize umwuga

##### • Abagabo (89.54 km)

1. Niyonkuru Samuel 03h05'37"
2. Munyaneza Didier 03h08'07"
3. Hakizimana Seth 03h23'30"

##### • Abagore (89.54 km)

1. Nirere Xaverine 03h55'17"
2. Ntakirutimana Martha 04h12'46"

#### Abatarabigize umwuga

##### • Abagabo (38.24 km)

1. Bikirumurame Emmanuel 02h07'17"
2. Bikorimana Theoneste 02h10'40"
3. Ndayishimiye Emmanuel 02h12'55"

##### • Abagore (38.24 km)

1. Ingabire Domina 01h56'00"
2. Iragena Charlotte 01h56'01"
3. Umutoni Sandrine 01h59'11"

##### • Abakoresheje amagare asanzwe

##### • Abagabo (26.54 km)

1. Mufiteyesu Emmanuel 58'50"
2. Kwizera Francois 01h00'37"
3. Niyitegeka Emmanuel 01h02'54"

##### • Abagore (26.54 km)

1. Nyirandagijimana Delphine 01h31'01"
2. Iyamumpaye Jacqueline 01h45'11"
3. Igisubizo Vanessa 02h15'00"



Taliki 16 Ukuboza 2023 muri Onomo Hotel habereye Inama y'Inteko Rusange y'ishyirahamwe ry'umukino wa Basketball mu Rwanda "FERWABA".

Muri iyi nama hemejwe ko umwaka w'imikino wa 2024 uzatangira taliki 09 Gashyantare 2024. Hemejwe ko kandi shampiyona y'icyiciro cya mbere izakinwa n'amakipe 10 mu bagabo ni 10 mu bagore aho hiyongereyeho amakipe 2 ari yo Kepler BBC na EAU BBC.

Ku marushanwa yari asanzwe akinwa mu mwaka w'imikino hiyongereyeho amarushanwa abiri ari yo "Rwanda Cup" na "Super Cup" izajya ihuza ikipe yatwaye igikombe cya shampiyona n'iyatwaye "Rwanda Cup".

Mu bindi, hemejwe ko umukinnyi w'umunyamahanga umaze gukina imyaka irenga 3 mu Rwanda yemerewe gukina nk'umwenehugu. Abakinnyi bakiniraga ikipe y'igihugu barahawe ubwenehugu ariko ari abanyamahanga buri kipe yemerewe umukinnyi umwe n'abanyamahanga babiri nk'uko byari bisanzwe. Ku bakinnyi b'Abanyarwanda baba hanze y'igihugu, igihe bari imbere mu gihugu buri kipe yemerewe umukinnyi umwe gusa.

Amakipe yemerewe kwandikisha abakinnyi bashya kugeza shampiyona irangiye ubundi kwandikisha abakinnyi bashya byarangiranaga n'imikino ibanza. Abakinnyi ikipe yemerewe kwandikisha ni 20 barimo abanyamahanga 5.

Muri iyi nama hemejwe ko mu gihe umukino uzajya urangira amakipe anganya amanota, hazajya hongerwaho iminota y'inyongera kugira ngo haboneke ikipe itsinze. Ubusanzwe mu gihe amakipe yanganyaga amanota mu mikino ibanza "Phase Aller" batangaga amanota bagendeye ku ikipe yatsinze umukino wo kwishyura "Phase retour".

FERWABA kandi yemeje ko kuva muri 2025 hazaba shampiyona y'ababigize umwuga mu buryo bujyanye n'amategeko.



## 6 Cricket : Uganda yegukanye "ACA Africa T20 Cup 2023"

Kuva taliki 11 kugeza 19 Ukuboza 2023 mu Mujyi wa Benoni, mu Ntara ya Gauteng muri Afurika y'Epfo habereye irushanwa ry'afurika ku nshuro ya kabiri mu bagabo "ACA Africa T20 Cup 2023".

Iri rushanwa ryari ryatabiriwe n'amakipe 8 aho yari mu matsinda abiri, itsinda A ryari rigizwe na Uganda, u Rwanda, Malawi na Mozambique naho itsinda B rigizwe na Kenya, Botswana, Sierra Leone na Ghana.

Nyuma y'imikino y'amajonjora, muri 1/2 ikipe ya Uganda yatsinze Botswana naho Kenya isezerera Malawi.

Ku mukino wa nyuma ikipe ya Uganda yatsinze Kenya ku kinyuranyo cy'amanota 91 naho mu guhatanira umwanya wa 3 ikipe ya Botswana itsinda Malawi.

Iyi kipe ya Uganda kuri ubu ifite itike yo kuzitabira igikombe cy'isi umwaka utaha wa 2024 yisubije iki gikombe kuko ubwo cyakinirwaga bwa mbere muri 2022 yagitwaye itsinze ku mukino wa nyuma ikipe y'igihugu ya Tanzania. Ikipe y'u Rwanda yari yitabiriye bwa mbere yasoreje ku mwanya wa 6, mu mikino y'amajonjora ikaba yari yabashije gutsinda ikipe y'igihugu ya Uganda ku kinyuranyo cy'amanota 2 (115-113).

### Uko amakipe yakurikiranye

1. Uganda
2. Kenya
3. Botswana
4. Malawi
5. Mozambique
6. Rwanda
7. Sierra Leone
8. Ghana



## Beach Volleyball : Habanzintwari na Mbonigaba begukanye irushanwa ryateguwe na Mamba VC

Taliki 16 na 17 Ukuboza 2023 ni bwo habaye imikino ya nyuma y'irushanwa rya Volleyball ikinwa ku mucanga "Beach Volleyball" ryateguwe na Mamba VC igizwe n'abahoze bakina umukino wa Volleyball mu Rwanda ku bufatanye n'ishyirahamwe ry'umukino wa Volleyball mu Rwanda "FRVB".

Iri rushanwa "Mamba Beach Volleyball Tournament 2023" ryari ryateguwe mu rwego rwo kwizihiza imyaka 15 iyi kipe ya Mamba VC imaze ishinzwe.

Muri rusange ryakinwe mu byiciro bibiri harimo icy'abakanyujijeho aho imikino yatangiye taliki 15 Ugushyungo 2023 ndetse n'icyiciro cy'ababigize umwuga mu bagabo n'abagore ahitabiriye amakipe 4 muri buri cyiciro ahera muri 1/2 cy'irangiza.

Mu babigize umwuga mu bagabo, ikipe yari igizwe na Habanzintwari na Mbonigaba yegukanye umwanya wa mbere itsinze ku mukino wa nyuma ikipe ya Nzirimo na Niyikiza amaseti 2-1 (13-21, 23-21 na 21-19).

Mu bagore, ikipe ya Aline Mbabazi na Amito yegukanye umwanya wa mbere itsinze ikipe ya Uwimbabazi na Kayitesi 2-1 (21-15, 15-21 na 15-9).

Mu bakanyujijeho, ikipe ya Bayiringire na Shema yegukanye umwanya wa mbere itsinze iya Nzeyimana na Gahire amaseti 2-0 (21-19 na 21-15).





**RWANDA**  
Olympic rings logo



**commonwealth**  
**games**  
**RWANDA**

Website: [www.olympicrwanda.org](http://www.olympicrwanda.org)

[www.olympicrwanda.org/commonwealth](http://www.olympicrwanda.org/commonwealth)

Email: [cnosr@olympicrwanda.org](mailto:cnosr@olympicrwanda.org) |     @RwandaOlympic

Address: Remera–Hallmark Center Building KG 17 Ave